



**INTERNATIONAL
SUMMER SCHOOL:
CIRCULAR ECONOMY**

**MEĐUNARODNA
LJETNA ŠKOLA:
CIRKULARNA EKONOMIJA**

Sarajevo, 17 – 23 July 2023 / 17 – 23. juli 2023.

www.efsa.unsa.ba
pr@efsa.unsa.ba

 Ekonomski fakultet
Univerziteta u Sarajevu

 efsa.sebs

 School of Economics and Business
Sarajevo

Cirkularna ekonomija predstavlja, između ostalog, način razmišljanja, istraživanja i djelovanja na klimatske promjene i odmak od trenutnog, lineranog ekonomskog modela u kojem se proizvodi koriste i odbacuju u onaj u kojem postoji zatvoreno kruženje materijala u cijelom ekonomskom konceptu, primjenjujući elemente održivog razvoja. Osim potrebe za inovacijama dizajna, cirkularna ekonomija obuhvata i promjene načina na koji konzumiramo i koristimo dobra i usluge, kako lokalno tako i globalno.

Oblast cirkularne ekonomije studenti dodiplomskih studija na ekonomskim i srodnim fakultetima izučavaju uglavnom sporadično kao tematske cjeline u okviru različitih predmeta. S tim u vezi prepoznaje se potreba za organizacijom dodatne edukacije u formi ljetne škole koja će imati u fokusu cirkularnu ekonomiju.

U okviru programa Ljetne škole studenti će imati priliku steći znanja i vještine i znanja o cirkularnoj ekonomiji kako bi podržali zajednice, preduzeća i kreatore politika u stvaranju održivije i pravednije budućnosti.

Nastavni program za Međunarodnu ljetnu školu obuhvata kurseve, kako slijedi:

- FUNDAMENTALS OF A CIRCULAR ECONOMY/OSNOVE CIRKULARNE EKONOMIJE,
- RESOURCE MANAGEMENT AND CIRCULAR ECONOMY/UPRAVLJANJE RESURSIMA I CIRKULARNA EKONOMIJA,
- BUSINESS MODELS FOR A CIRCULAR ECONOMY/POSLOVNI MODELI ZA CIRKULARNU EKONOMIJU,
- CHANGE MANAGEMENT AND CIRCULAR ECONOMY/UPRAVLJANJE PROMJENAMA I CIRKULARNA EKONOMIJA,
- INNOVATIONS FOR A CIRCULAR ECONOMY/INOVAČIJE ZA CIRKULARNU EKONOMIJU,
- CIRCULAR ECONOMY AND DIGITAL MARKETING: THE FUTURE OF SUSTAINABLE BUSINESS/CIRKULARNA EKONOMIJA I DIGITALNI MARKETING: BUDUĆNOST ODRŽIVOG POSLOVANJA,
- ENVIRONMENTAL LABELLING IN CIRCULAR ECONOMY/OKOLINSKO OZNAČAVANJE U CIRKULARNOJ EKONOMJI.

Ljetna škola je namijenjena studentima dodiplomskih studija koji su zainteresovani za produblivanje i razvijanje kompetencija u području cirkularne ekonomije uključujući pitanja vezana uz poduzetništvo i poslovne modele.

Način realizacije Ljetne škole

Za Ljetnu školu su osmišljeni novi nastavni moduli i fleksibilan, hibridni sistem realizacije nastave i učenja. Nastava će se odvijati na engleskom jeziku ili BHS jeziku u učionici i on-line.

Ljetna škola sastoji se od predavanja, grupnog rada, postera i prezentacija te pismenog samostalnog zadatka. Dodatno, Ljetna škola će uključivati i društvene aktivnosti i pružati mogućnosti umrežavanja.

Program:

Dolazak studenata - nedjelja, 16. 7. 2023.

Sesija dobrodošlice i predavljanje predavača – 17. 7. 2023. u 9 h

Predavanja u učionici – 17 .7. – 22. 7. 2023 od 9:30-13 h i 14-17:30 h

Predavanja online – prema dogovoru sa predmetnim nastavnicima

Predaja finalnih zadataka i projekata – do 4. 8. 2023.

Ocjene i dodjela certifikata – 14. 8. 2023.

Izlet – 23. 7. 2023.

Zadnjeg dana predavanja u učionici će se organizovati interaktivna diskusija na odabranu temu koja će biti određena na početku Ljetne škole. Cilj interaktivne diskusije je da studenti tokom boravka u Sarajevu budu potaknuti na razmišljanje o stvarnom izazovu koji se može riješiti kroz primjenu cirkularne ekonomije.

Kursevi

U okviru Ljetne škole student će imati priliku slušati i polagati dva kursa koji će biti određeni prije početka Ljetne škole. Svaki predmet ima 5 ECTS. Broj časova za realizaciju predmeta: 21 sat u učionici i 9 sati online

Nakon završetka programa student će dobiti transkript položenih predmeta i ocjena.

Učesnici

Ljetna škola organizuje se za studente dodiplomskih studija. Kriteriji za učešće su:

- potvrđen status studenta u zemlji u kojoj student studira;
- pravovremena prijava;
- poznavanje engleskog jezika (B2/C1 nivo) i BHS jezika

Školarina

Učešće na Ljetnoj školi će biti besplatno za po pet nominovanih studenata sa javnih ekonomskih fakulteta iz Splita, Zagreba, Sarajeva, Beograda, Skoplja i Podgorice.

Nominovani učesnici imaju pravo na:

- učešće na svim predavanjima,
- doručak i ručak,
- smještaj,
- učešće u društvenim događanjima,
- nastavne materijale u printanom i elektronskom obliku.

**Ekonomski fakultet i UNDP zadržavaju pravo izmjene u navedenom programu o čemu će učesnici biti blagovremeno obaviješteni.*